

## Buki Festival Voz-i-Landia Escolar y homenahe na Robert Jeand'or



**ORANJESTAD – Pronto lo tin un tremendo show den Cas di Cultura. E lo ta un anochi musical dedica na ‘Homenahe na Festival Voz-i-Landia Escolar’ y ‘Homenahe na Roberto Jeandor, Icono Musical Arubano Nacional Internacional’.**

E show lo tuma luga dialuna, dia 19 di november proximo, pa 6.30pm. Tin presentacion di e buki ‘Reluci, chispa musical’ cu ta relata historia y

memoria di Festival Voz-i-Landia Escolar 1981-2015.

Lo presenta un documentario di e desaroyo musical di Robert Jeand'or como musico-bajista, cantante, salsero, merengero, tumbero y boquerista.

Un show musical multidisciplinario cu musica, canto, baile, documentario y presentacion di e buki. Tin presentacion di e banda musical ‘Robert y su Solo Banda Show’.

Cantantenan manera Rachel Kraaijvanger, Shannon Bueno, Cesar Olarte, Edjean Semeleer, Javier Ras y Nelson Tromp lo duna nan presentacion cantando. Johnny Scharbaay & friends lo acompaña algun cantante musicalmente.

Grupo Melodia, bou guia di Rubin Ponson, lo deleita publico cu diferente cancion popular. Tin presentacion di grupo di baile Club di Movimiento bou guia di Samantha Westera.

E buki cu historia y memoria di Festival Voz-i-Landia Escolar lo ta obtenibel.

Pa carchi di entrada pa e show na Cas di Cultura y pa reserva e buki di Vozilandia por tuma contacto cu Mirto Lacle 742-6274/ 740-2044 / 586-8998